

兩

浙

輶

軒

錄

兩浙輟軒錄卷十六目

朱一蜚 邵坡 沈翼機 余懋杞 邵家默

許鎮 邵向榮 徐雲瑞 陳溥 張一驥

嚴煥 王鴻宇 錢是式 沈雙 錢起隆

汪振甲 于東景 孫友白 沈霖 張錫璜

趙用鼎 薛英 石杰 金以成 董浩

周徐彩 范卜年 李墩 章琦 章鐘

張文瑞 何西堰 沈堡 宋之澐 葉魯

張昱 張玘 朱權 張世傑 高衡

丁嗣澂 金梅 蔡賜國 毛德琦 陸鏗

陸鏗 張錫璠 葛其英 朱華 余清

余正葵 徐祖望 施克建 王本 杜應譽

吳山 王袞錫 成遠可 余懋樞 何嗣錢

盧元璧 包懋捷 陳世揚 樓承順 張德固

周應枚 李四維 趙殿最 胡渭 章藻功

沈楷世 沈柱臣 邵基 鄭菴 華萃德

朱休聞 柴梓庭 陳天錫 江濟 徐文駒

壽致潤 毛遠宗 周奕 章廷宏 陳景

柴謙 柴載庸 楊瑄 全埴 鄭韻

詹泰 詹華 詹衡 湯學顯 姚之駟

兩湖輜軒錄卷十六

督學使者阮元訂

朱一蜚

字健冲號流桐嘉善人由諸生保舉官至山西布政使著流桐詩鈔

錢仁榮曰一蜚少時留心康濟凡活人平獄諸書無不一一考究年未三十以薦爲縣令不十年而至方伯詩不專門名家歸愚先生稱其古詩規撫韓蘇近體不落大歷十子後不誣也

周忠介公會孫承濂出其大父芸齋先生刺血疏稿卒

讀敬題

洞涇橋下流水哭吏部蒼涼老瓦屋正氣當年擊大奸歸騎
箕尾天上宿孝子徒步排九閭奇冤已雪仇難復一紙書存
赤血痕乃孫涕淚出之櫬回頭時代閱滄桑忠孝遺文忍卒
讀鷓舌宵啼猿夜號垂虹亭子草蕭蕭扁舟艤此一憑弔漁
火江楓正落潮

閩張若容調蒲城尹寄懷

漢濱游歷路艱難聞道鳧飛過七盤今夜青燈應入夢故人
白髮尙卑官雲迷太華三峯隱河遶重關九曲寒兩地雁鴻
南去盡懷人獨對月闌干

邵

坡字兼山號良庵餘姚人康

越風先生與先大夫同年遂於經學康熙六十年

敬召

入京將以館職

錄用既而不果

姚江詩存良庵雀書赴隴時家有老母魯啟人送行詩
云浩歸未遂長林志遠去難爲寸草心

及抵都問母病馳歸啟人詩若爲之讖

送王耘渠入蜀

勲名何必勒燕然小試牽絲赴兩川秦樹碧分鴻爪外蜀山
青到馬蹄前于今炎徼銷烽火此去花溪奏誦弦猶有平津
舊賓客臨岐悵望隔雲烟

沈翼機

字西園號澹初海寧人康熙丙戌
進士官侍讀學士著澹初詩集

祇林庵散步

人多穿洞出窄路礙枯藤怪石如迎客馴猿不避僧疎林飛瀑落絕壑亂雲蒸素有登臨興梯霞上百層

余懋杞

字建偉號玉京又號瞿庵諸暨人康熙戊子順天舉人官內閣中書著東武山房集

紹興府志懋杞性孝父善病屏息侍立夜分不退嘗與同郡名流結詩集于鑑湖之曲春秋佳日編詠其中著有滿香艸堂石吟核舟等集合刻之

春日郊行

春到芳郊客意迷新蒲細艸共萋萋波聲遠出平章墅樹影斜連太尉谿祇有詩囊裁錦段更無歌板按銅鞮前村正散鷄豚社桑柘陰中日易西

田家

正是田家布穀時鶯聲忽破綠楊枝野人不解春愁曲桑柘

風微喚賣絲

邵家默

字恭思號怡堂永嘉人康熙辛卯舉人官嘉善教諭

薊中送李青岩之任關中

綰綬翩然出鳳城相逢日下送行旌同時作客難言別邊地
爲官易有聲騎馬路隨華嶽轉彈琴韻入渭流清酒泉到處
如相憶寄我蘭州雙玉罌

寄酬蔡雪齋同學

貽我清詩筆有神畫奇書妙並堪珍雲山常恨違鄉井旅況
何因語故人解舍簞包肥過肉荒園菜把滑于尊一盞冷落
殊相稱絕勝萊蕪滿飯塵

許

鎮

字天倚號東澗德清人康熙壬辰進士由編修出知南昌府

送姚良南之柳州郡守任

敬歷聲華

紫禁班旌麾嫋嫋到烏鬢風清銅鼓烟嵐迴月映羅池雨露
殷驛路早蟬鳴遠樹河橋垂柳拂重關熊轡多暇能相念尺
素頻煩慰別顏

邵向榮

字邵樵又字東葵號冬餘餘姚人康熙壬辰進士官鎮海教諭著冬餘詩略

姚江詩存東葵詩初學劍南近則變而彌上風格老蒼嘗言何王金許學道之階級也鄭王孔賈說經之原本也陶杜韋柳作詩之圭臬也歐曾姚虞行文之標準也晚而掌教海濱遠近多所興起

萬授一招往崇效寺看棗花

日歸曰歸空自擾燕郊春盡無芳草寓廬匝月掩闌臥君來
強我閒裏抱晚涼竝馬城西斜寺內半掩瓜田沙風旛不動
鈴鶴靜棗樹新作纖纖花靚態柔苞看不足小雨紫絲映清
淑更無殘片烏銜飛特許芳姿伴幽獨拍浮花下興莫闌振

襟欲去猶憑欄待賞一歲看花事異地况復知心難山僧導
我登高閣夕陽忽捲重雲幕西山萬點向人青一徑松杉引
歸鶴終憐越鳥依南枝與君鄉里同襟期早秋潞水理征棹
不待西風剝棗時

汶上曉發

鈴鐸中宵動蒼茫問曉津野烟橫似水遠樹立如人海嶽存
真氣風霜老客身汶陽題壁處誰共湖前塵

四明道中

石窗不隔數峯遙古木空心宿火燒十里新萌低覆屋半溪
寒石亂堆橋斜陽歸鳥爭皴栗廢院枯僧灌藥苗始信深山
冬尚暖前村霜葉未蕭蕭

徐雲瑞

字卿升一作慶升又字鹿溪上虞人康熙
辰進士官編修河南學政著鹿溪遊秦詩集

登望嶽樓

傑構快登臨名山寄賞心北來青兗盡南望嶽雲深方鎮開
昏曉高標冠古今雄風殊未泯徙倚一披襟

良鄉道中

良鄉古縣邇

神京衝

命西行第一程春日雲開馭驥路新年鼓作太平聲迴瞻

北闕晴光麗右控西山曙色明最是

君恩隆策遣七驕給使老臣行

陳

溥字永叔號南陔天台人泌弟康熙癸巳

成學標曰永叔五古雋語似右丞徵參選體七古議論
同暢間露光怪近體風格在李東川劉隨州之間一時

鄉邑詩才
少與儔匹

花石戍追和劉隨州韻

側帆出迴浦波光漸瑩淨老樹立空潭夕陽澹孤映江風生
暮寒鳴橈未少定不如沙際鷗狎茲山水性

湘陰解纜值風便過湖晚抵巴陵作

江色趁扁舟江花不我留片帆笙竹驛孤月洞庭秋香澤馥
人佩風煙帝子愁笛聲聽未得空過岳陽樓

廣陵懷古

瓊花香色久蕭寥勝蹟空傳廿四橋太守誰能真跨鶴玉人
何處更吹簫雷塘秋老喧寒雨瓜步風生打暮潮欲賦蕪城
多感慨綠楊隄畔話隋朝

重過寶應寺

沿江風色鬱巖岫中有琳宮瑣碧巒老眼頓忘前日路山僧

猶識舊時官巖前虎嘯秋陰肅鉢底龍歸夜影寒爲伴懶公
煨榾柮坐燒松葉到更闌

西齋

半畝居然杜若洲碧蘿翠竹雨夷猶小窗夜半風蕭瑟吹作
江南八月秋

張一駟

字石巖號石帆又
號石樵仁和貢生

汪沆曰石樵通今古工詩文善於寫奏歷遊幕府客滇
粵時爲多年七十歸寓台州著作散失於故篋中搜得
詩數十首

山陰道中

晚薄越王城花明鑑水津連村風送竹隔岸柳攀人水碓鳴
陳粟船曾出素鱗平生臥遊意草市一投綸

李芝田自武林來

風流饒勝賞有句助江山李白月酬答林逋鶴往還六朝松
檜老三竺水雲閒試出奚囊句攜來一破顏

定興道中

春風獵獵捲征埃獨倚斜陽百感來馬倦每逢卹店住客愁
暫對好花開三年冀北成漂梗二月江南盡落梅回首壯懷
虛白驥新豐壚下且銜杯

嚴

烺

字昭升一字琅嶸餘杭諸生流係著晚晴軒詩選

嚴仲章詩序略曰吾弟暉所至一時傾倒詩詞之作亦
遂旁及於詩古文詞博游所至一時傾倒詩詞之作亦
惟此時爲多初吾叔雨堂公賦奇超邁屢躋場屋年未
五旬齋志以沒吾弟稟異才與吾叔差相類予因序
其遇復不假以年亦與吾叔差相類予因序
弟詩又未嘗不潸然於吾叔之生不偶也
隨園詩話類俠君先生選元百家詩夢有古衣冠者數
百人拜而謝焉杭州嚴暉升烺贈云但見三吳書板盛
不知十載

選機忙

秋風鳥

柳州產相傳桃葉感秋風化爲此鳥

食指動奇絕以卵而得殼徐知秋風禽俊味奪秋候

雞雛一名秋候

駢頭鳥可鹽人口髓成漱吳黃漫多脂燕鐵苦銛味

吳中黃雀京師

鐵脚大小與秋風時

爲鼠昔可曾化蛤今恐又都如龍嗜燕竟忘豺祭

獸氣漸臘瓮香狀仿春林秀誰與遠寄此清矣龍城守秋風

春物變鳥聲桃葉後際軀報公門忠出花果右

同姚南屏至南塋

君家幾處有名園南塋新開又一邨向背溪山仍翠色往來

燈火自黃昏壁間異代聞詩話

亭壁書羅景論山栢志

石上重遊見酒

痕猶恨桃源問津晚雙松化去扶苓存

題許九田浴鳧圖

海曲春潮去復迴水禽浴處綠蘋開兒童不打池中鴨合有

鴛鴦對對來

王鴻宇

字激之號燕園嘉興諸生著燕園古今詩

梅里詩輯蕉園少學溫李綺麗半解致有情采旣而悔之自近代名家上泝歷選沈潛涵泳心摹手追故習一變今其詩存者正如玉樹冰壺一片清光使人感對不厭

同陳霽窗訪東禪寺凡庵上人

穆溪一片水流入前朝寺殘碑沒青苔猶露淳熙字蠶樹作春花時時動香吹

同瞻鳧過白山拗疊船

雨後平原雲樹微寒花瑟瑟滿蘆碕酒人有約吟同去黃葉半江風亂飛尙有孤亭可斟酌尋思往事已多非十年舊雨難逢甚不惜尊前到夕暉

冷仙亭

一水橋橫度春風協律祠紅簾穿日影官扇網蟲絲雙絕猶
傳畫蓬萊仙奕圖後有張游仙數詠詩夜來驚蝶夢幾度繞

離思

錢是式

字其相嘉興人枋
子桐鄉籍貢生

梅里詩輯先生文思敏捷與徐兼六李補山約
山諸先生齊名詩格清和綽約在諸先生之右

南村晚眺

小村地僻堪乘興靜掩茅齋任所之白稻花香新雨後黃蘆
葉響夕陽時一聲短篷橫谿近幾處長橋歸路遲滿眼蕭森
秋色裏令人長憶少陵詩

沈

變

字御李平湖監
生著容湖詩集

陸坡里曰御李爲南疑仲弟以食貧故近則金闕白門
遠則江右湖北凡名山大川奇花異鳥靡不貯之奚囊
以功孤藉母氏諸兄之教育力
學攻詩蓋涉屺類弁之遺音也

陳焯曰御李所著蓉湖集三卷
陸陸堂于東谷諸草廬序之

孝女行爲豐城曹六姑作

君不見曹娥痛父沈江水始得父尸不惜死自沈抱父出重
淵嬌女何殊烈男子曹姑十六殞慈親致死無由問水濱求
尸不獲痛心骨翻身入水驚鬼神我聞豐城之津多靈怪斂
縱飛躍無常態有時化作蛟龍暗攫人嚼膚吸髓飢涎噉豈
知至孝格神明擁護方將召百靈母尸女尸相抱出衣裳縫
結顏如生鍾陵少年發首唱白嶽先生列其狀千古曹娥獨
著名曹姑繼起無多讓可憐淳于絕妙辭中郎以後誰能知
何當珥筆承明殿再勒豐城孝女碑

阡江向無鴻雁十月旣望之後忽有翩然而過者因賦

長句

衡陽見說飛迴處，伴月迎霜又遠遊。
片羽健凌黔嶺夜，數聲寒帶蘄門秋。
斜封未許傳鄉信，旅館偏能動客愁。
好待管灰吹律早，春和同爾下江州。

錢起隆

字虬，號買山，平湖諸生，著敦睦堂詩稿。

春初偕徐朗豫登東牟城

不堪冰暑寂聊傍女牆行，滄海青三面沙田綠半城。
居人自春色遊子忽離情，笑向徐陵問吾曹何遠征。

汪振甲

字昆鯨，號紫巒，又號毅亭，錢唐人。汝謙曾孫，雍正庚戌進士，官桐城知縣，著詹詹集。

汪師韓曰：先考官桐城會元，早禱兩於邑之龍巖山，日中登山感暑成病，沒於任喪歸葬於九隴山之陽平生詩不多作，不甚收拾，未嘗編次成集，惟中年一冊會自題曰詹詹集，蓋取莊子小言詹詹之意，今仍之。

遊近溪題亦譜上人精舍

泠泠近溪水，密篠散清涼。循澗刷山藥，捫蘿陟崇岡。
上有嘉

樹林下有澄湖光息機白足侶新詩託幽芳遊行憺忘歸何

時重褰裳

于東泉

字湯谷號茲山平湖副貢生著錦璇閣詩稿

平湖縣志東泉居恒好讀日手一編遇佳山水側畔微
哦著述甚富不自收拾以是存者絕少兄堯瞻名東邈
淵博相若而癖更過之每入夜篝燈散帙手披口吟必
達旦乃已嘗語人曰百年如修蛇赴壑奈何擁黃紉作
渴睡漢耶工駢體詩亦
雅飭遺稿惜散佚無存
諸端曰湯谷卓錫無地瀕日有天詩則下筆如神陳言
盡掃有姚奕後陳念銘助之刊張芳莊陸恬浦爲之傳
余鄉同年也缺面于生前錄詩于身後
而其稿乃盡得之于無意中亦一奇也

食蟹用昌黎鬪雞韻

水族蟹味佳未霜久相待大勝魚八梢不數螺五彩輪芒信
有神奔火得無殆鼎鑊誠何辜戈戟空復在如螳委臂斧似
雞釋距鐵憶昨我登高選勝屢更塏列坐陳壺觴登盤薦魁

磊千載內黃侯封號猶未改
擗曆金膏盈啟筐玉裝唯食單
餘可捐酒戶大逾倍鳴葦濃點醯
擣橙細作醯無嫌恣貪饕
有似救飢餒大嚼讀騷迂不受爾雅
給雞豚社嫌戍魚蝦市
嗤亥披綿雀非珍爲鏌鮑可罪魚
莊荻蕭蕭虹梁水浼浼殷
勤呼買鮮珍重比贈賄散人混漁
樵浪跡渺江海依稀荷鍤
伶凡百從廢念但愛分湖船櫓聲
聽欵乃籬花燦金玉林樹
雜繪綵幸哉樽不空誰與歌似凱
拍浮效畢公尋山思大隗
解蒲付厨娘典籌命歐宰險韻步
昌黎葩華誰當採

花除夕重舉洛如吟社

欣逢明日是花朝勝賞依然屬我曹
檢點舊人成悼歎琢磨
新句易蕭駭未妨橋畔時行藥何處
山中好種桃邂逅浮生
憐此會莫辭堅坐醉金舸

甲寅元日立春次林須藥韻

柳條梅萼歲朝新更報風光入上春絳老又添新甲子

余年已七

十騷人重數舊庚寅

從來注騷者謂原主於寅年寅月寅樓日今歲朝立春爲戊寅日又值三寅樓

樓遊子還岐路袞袞諸公已要津老我茅簷聊一醉敢云黃綺未稱臣

次韻和笠亭移居詩

老屋新顏隱者廬未應家具總空虛路旁笑煞搬蕪鼠壓擔
纍纍是破書

荷池一曲最幽偏羨爾移家寄靜便好買合風漪八尺困來
容我撥書眠

題石田畫

長康善畫不能詩少陵善詩不能畫輞川以後唯石田畫筆

詩情兩瀟灑石田之畫如其詩雲烟生滅無定姿縱令草草
不經意捧心亦是西家施山容靉澹樹模糊細雨斜風半有
無誰與坐釣不歸去此子無乃元真徒君家元真仙者流可
憐一去已千秋桃花流水依然在不得相隨汗漫遊世間投
足皆塵垢畫中之人真我友聞道秋深鱸更肥子但攜來我
沽酒

送陸坡星赴江西

吳頭楚尾山水窟客行到及秋方中香爐峯前月皎潔秋屏
閣外花冥濛洪州都督白居易江西詩派黃涪翁聽君新語
定絕倒百分一棹千觴空

送田辰垣

京兆田郎玉樹姿風流皎皎繫人思句傳山抹微雲派夢有

池生春草詩十日共傾桑落酒今年不負牡丹時誰令又作
匆匆別愁殺傷春杜牧之

謝劉南耕寄惠構李

構李我鄉果名著春秋策一株栽初成氣歷桃杏百厥味水
蜜兼最宜銷夏客園翁足心計先期要倍直富兒饒沫流尙
恐未必得幸獲登盤筵到手不忍喫纖纖指甲痕悠然見傾
國宜我簞瓢人間名初未識云何子劉子謬許以詩易我詩
輕且俗妄意希元白舉似數鉅公往往遭唾鄰子乃獨不然
見嗜如雞蹠佳果換惡詩大足供笑啞將毋妄掄揚重爲賢
昆惑願子繼自今愛詩宜勿亟舉世重錢刀治生貴纖膏當
學王濬沖有賣必鑽核

初夏梅垞卽席

籍溪小築似花溪，出郭移舟路不迷。
紅藥闌干雙蝶下，綠榆門巷一鳩啼。
詩情忽向花間得，物論真於醉後齊。
邂逅浮生憐此日，莫教歸去不如泥。

孫友白

字侯明，號賣魚人，烏程諸生，著醉驢吟，茗人草。

花朝過古康莊

三月春光似酒溫，買舟晴泛郭西村。
山山翠滴遊人路，樹樹花開處士門。
半壁玲瓏呼石友，一天錦繡動吟魂。
前塘柳葉迎風舞，細拂莓苔舊綠痕。

沈

字仲堅，號築夫，歸安諸生，著東田草堂詩集。

天山歌

並蕭鎮嘉峪關

萬古祁連去，西極拔地撐霄遮。
半壁羌兒下馬拜，天山山下可天真。
咫尺延袤三州千里餘，遙接崑崙入沙磧。
鐵柱銀標

望不窮天生界與華夷隔萬年積雪千年冰雪擁山腰窳山
脊冰雪雲迷杳不分灑氣冥濛唯一色有時雲散出峯巒壘
玉堆瓊皓然白從來浪說雪山奇今日驅車幾經涉車中氣
象幻萬千倏忽陰晴易朝夕羣山西去勢中斷割地當空聳
天國嘉峪名從玉石稱雄圖勢藉九泥塞萬方琛貢集關西
千里紫雲橫塞北東連羌谷號天城控制邊圍罽長策烏孫
歸去不稱王渾邪破後咸登籍疆域猶傳古月支山川形勢
誰窮歷瓜州城中瓜葉青沙州城外寒沙赤玉關西去更陽
關西風吹散羌兒笛萬里邊城指顧中鼎分雄鎮開疆場酒
泉名郡接燉煌孤懸絕塞臨戎翟獨控三邊錯犬牙東通一
徑趨中域

聖朝法制軼前王坐朝萬國來重譯罕東稽首列藩術哈客

封王更宜力往者西醜偶眺梁朝發六師夕執馘德唯化雨
與和風威則雷轟并霆擊罔不懷德復畏威何論羌戎共蠻
貊卽今內附日紛紛耕牧隨時恣就食肅州番民雜處多各
無猜貳相安適雕弓翻射嶺頭雲花棉夜向燈前織番郎諸
曾盡戴恩邊民十萬滋蕃息年來杉郁習華風商貨車馱奔
絡繹西域無勞遠汎槎天山不用傳鳴鏑開關謝贄亦何爲
須信乘時方在德

張錫璜

字志呂一字漁谿鄞人士塤子
康熙甲午舉人著半舫齋集

續者舊傳孝廉於詩文外善琴奕書畫及
醫顧不以一長自銜卽言笑亦不妄舒

宿大音庵

煙靄沈沈竹樹寒環樓波影照憑欄分來佛火先安榻貪得
僧蔬更借餐滿院松風欹枕聽五更霜月裏裘看但憐我輩

居停後塵几依然鼠跡殘

趙用熙

字斯敬蘭谿人康熙甲午舉人雍正元年

王崇炳博陵雜詠序略曰老友趙斯敬令博陵歸平日
之藁欲角力形如絳勃者今鬢髮半白宏襟曠度頽浴
下耆儒而余則聲跛羸老如秋深一葉在霜林雪榦中
得重遇故人爲幸以一帙示我皆憫民急病望雲思親
之詞章蘇州身多疾病思田里邑有流亡
愧俸錢得風雅遺意趙君之詩大率類此
金華詩錄趙斯敬官博野令以母老乞歸好吟詠尤工
駢體集中博陵不寐云暫許晨昏供子職非關老病乞
閒身寓中雜詠云落拓猶吟枯樹賦郎當不舞柘枝詞
又云慵食饘鼠千鈞喜共茶更九日觴淡子進取所
性然也其蒞博陵有八
不要錢說傳誦民間

謁楊忠愍祠

萬死投荒氣不磨還將隻手挽銀河
奸諛久矣憑城社孤憤
公然觸網羅策上千言逾痛哭獄成三字類風波
當年不是無臺諫獬豸如警犬多

相嵩父子百仇鸞除蠹爭如縛虎難人料傷弓宜避影婦言
上策是休官糾彈不了心中憤生死全憑眼界寬上谷千秋
遺像在鬚眉飄盡朔風寒

薛

英

字雪涵樂清人康熙甲午舉人官
蕭山教諭著青曉園雪堂詩集

中秋集江心觴月用王梅溪先生九日飲酒韻

中秋孤嶼攜尊酒占却滄溟千萬畝浮雲淨掃太虛清皎月
一輪懸海口主人豪興壓江波預卜佳辰集羣友老樹風生
野鶻驚危磯潮雜蒲牢吼臨江縱酒呼明月洒落杯中月落
手河漢聲流窄堵高振衣直欲凌牛斗古人已往皆陳迹來
者紛紛續其後海外神仙亦浪傳人間良會能長有試看當
年駐蹕亭祇今惟有青苔厚狂吟不放月空斜過此還期九

月九

石

杰

字裕昆號虹村桐鄉人康熙乙未進士歷官四川按察使著柘枝集虹村詩鈔

送朱以靜南歸

酒波連卷別匆匆目斷長林去玉驄歸夢比君應更疾夜來

和月到江東

瀘定橋

穹碑屹峙大橋頭

鳳彩龍章紫氣留鐵索橫江虹影落銀河捲浪雪花浮六千里外通西藏三十年來鎖北流不是

聖朝勤遠略

德威漸被自懷柔

駐紮箴

地脈遙連古益州天然形勝扼咽喉礪樓隔岸橋三疊板屋

綠溪水獨流鶯粟放時秋已到豆花開後暑全收羅衣不耐
邊城冷將士爭披六月裘

金以成

字素臣號補山會稽人康熙戊戌進
士由編修出知兗州府著補山詩存

紹興府志以成未第時以百韻長篇投新城王尙書王
歸曰新家上乘全在妙悟取研訂唐賢三昧集貽之以成
歸曰新城一生只識王孟境界柱之北征韓之南山豈
是一味妙悟者蓋敏妙出自靈府而沈酣資于學力其
持論如此然其爲詩往往以書卷掩其性情

送天台道士還山

爾有白雲心早卜青山宅忽厭華頂遊來作京華客都門浩
浩多風沙羽衣緇盡思還家夢中遙見赤城月半天綠水涵
桃花海鶴迴翔向東去寄聲栖在三珠樹

董浩

字扶搖一字翰飛號南谷歸安
人康熙庚子舉人著南谷詩集

讀廬陵宛陵詩有感

但飲酒莫作詩廬陵寄贈梅翁辭苦吟詩姑止酒宛陵答繼
歐公後歐雖戒梅吟每得梅詩賞入心梅雖訂少飲思歐百
斗常滿斟乃知二詩特遊戲借此綢繆結深意詩遭訪議愛
護真酒擇淳醪傾倒至梅窮歐達形迹忘律呂和鳴旗鼓當
一爲之先一爲後兩人相得名乃彰嗚呼歐梅之遇今罕矣

詩酒平時盡知己工詩豈必無聖俞地下廬陵呼不起

周徐彩

字粹存本姓徐會稽人康熙庚子舉人著名山藏詩稿

李紱墓表略曰君天性至孝父卒幾滅性鍵戶著書半日治經半日治史旁及百家無不淹貫家藏書多善本
毛太史奇齡朱太史彝尊見其支數曰唐末以後無此
作矣祁守俞聊聘修府志有富人輦金乞立傳却勿受
越風孝廉暇漁經史閉戶著書詩不苟作故所存無幾
氣味深遠爲風雅正音所居城西別業庭前木香一架
虬枝蟠結百餘年物也花時瀾漫香滿榻余曾醵於
此而樂之距今四十年花尚無恙子紹炳字舫軒孫沅
浩字漢川能世其學
元浩弱冠登鄉薦

寄友

古人重離合一日如三秋而我卽長道別君歲已周夢中一
水深難涉九溪茫茫帶春雪天末連山遠不分兩峯峩峩生
夏雲知君彌望心如結雜佩幽蘭香未絕歎我孤遊久不歸
閒關芳草綠應稀莫言消息誰相寄回雁連朝正北飛

題望嶽樓

泰嶽西南紫翠重登樓迢遞見千峯雲開忽現天門樹風過
遙傳日觀鐘巢父名高終避帝魯連功就已辭封石閭金篋
光輝滿屋從無由訪岱宗

范卜年

字期昌號岫瞻又號拙園山陰人康熙

徐彌紅藥樓集序略曰拙園歷辛江右所至有聲生有
異表身長六尺餘白哲美髯語音明朗望之如神仙被
議罷官潦倒窮途朝夕不繼其抑鬱無聊之槩每發諸
吟咏而絕無卑靡萎茶之態書法奇古蒼勁中有姿致

詠雪用坡公聚星堂韻

高枝瑟瑟蠶啄葉暗壁斜飛灑急雪捲簾花片忽霑衣袁安
未臥先愁絕孤檠牆角光有無斑竹舞簷瀉欲折冷然如坐
冰臺中寒月逗雲半明滅濕鼓無聲雀不鳴呵凍搖毫筆誰
掣曳杖中庭履久穿老眼重揩更生纈未得灑灑浮大白祇
覺霏霏鏤木屑要知清賞宜及時玉戲終宵纔一瞥竟須紫
絲作步障不然蹴踏那可說忍飢齧雪對梅花臭味真同磁
石鐵

李

墩

字寅伯一字東門鄞縣監生鄴嗣子著松梧閣集開閣草寄軒草

續耆舊傳果堂先生艱於得子四十後始舉太學初墮
地而上有如小耳者數十爲繫去之稍長右頰有瘕作
鴉青色有相者見之曰此海外阿羅漢後身也負才氣
頗任俠果堂讀書雅守繩墨不肯稍有疎略而太學不
耐章句之學通其大意而已果堂所作文詞簡練組織
嚴於律度而太學信筆立成既冠梨洲先生見其詩曰

是能獨開生面者鄭丈寒村尤喜之性好游春則渡錢塘探河渚入姑蘇遊鄧尉直至花信更番告畢而歸秋則觀曲江海徘徊柯廬一帶坐宿霜葉盡脫始去至於四明二百八十峯則其最幽所晨夕經也其游錄每年足爲一集坐上之客常滿頗不善飲而喜名客自監司牧守鎮將薦紳先生嚶雅遊客以至劍俠術士沙門道士流太學傾筐倒皮待之各以其差無與者百函並發半而不忘自朝至暮不以爲倦

冒雨過小白嶺

欲起不起山頭雲欲不上嶺頭屐雲中四望愁渺茫時有秋光未收拾百年幾遂邱壑心快遊安得俟風日雙肩竹轎去如飛但聞兩耳松濤急

雪竇妙高臺

幽深雲上衢崔嵬立天表四顧山青青幾處日皎皎寸心任逍遙雙目馳縹緲但知萬峯低不覺一身小和風拂人衣巖

花飛樹杪秋光夏何如春意自然好

騰空嶺午飯

十里三叉布穀鳴松濤萬斛送人行擔柴燒土栽秧煖負耒
鋤田放水平嶺下幾家烟斷續山頭一線路分明深叨地主
殷勤意菜把新挑爲客烹

歲暮述懷

老成歎凋謝畱此兩寒翁寒泉滿頭雪寒邨半身風寒泉領
方外兩耳厭鼓鐘寒邨偃林下一手倩奚童念此兩翁者品
格如孤峯新春好風日五里清關松寒邨念寒泉訂我相過
從

誠齋論月色無過臘裏好霜水細揩磨雪汁復洗澡從古數
中秋此語未深討病餘守單牀睡少居然老五更月透窗衣

裳披顛倒織輝發劍鋌清氣空蒼昊遙想釣雪舟慨然感懷
抱

送錢又起之長安

君亦何爲者三千里外行江風吹病骨春雨濕孤程辭母泪
偷下依人事少成相期惟努力京國早知名

章

琦字湘維號白坡會稽諸生著白坡詩選

繆沅白坡詩選序略曰湘雅好遊足跡半天下所在流連悲眺與其賢士大夫抗慨而唱嘆之蓋其懷抱無所發矜又不欲爲無病之呻吟故所作風格極醇神韻獨遠而一種沈雄奇傑之氣時時湧見讀其詩如見其人

玉鈞斜

樓閣臨仙意已迷
靡蕪原上雨如絲
美人金粉三春豔
帝子風流一鏡知
荒塚幾年青草沒
玉鸞何處白雲遲
暮鴉若解

同治車車金卷一
悲亡國應到雷塘宰樹枝

快閣懷陸劍南

賀公而後客誰狂布襪青鞋徧故鄉詩卷至今小李白功名
昔日老馮唐山光一半歸空閣水色三更上古牆我欲橋邊
采蘋藻鏡湖烟樹正蒼茫

章

鐘

字華甫會稽人雍正癸卯拔貢生大來從孫著鶴泉詩集

越風鶴泉同子貢成均子年方冠以師事之鶴泉與其從祖對山論詩宗仰韓杜立坊樹壇每與時人不合子獨心契手追今兩翁詩具在沈雄矯健各有可傳

枕上

軒然詩思起枕上不曾停一路無書卷諸山是性靈
嚴霜逼冬氣落月滿寒汀際此誰能寐餘波共杳冥

放舟

放舟惟楫枕袖手視高低一夜聞春雨不知水滿溪隨風巖
岫轉盡日鷓鴣啼莫湯矜颺捷多時分寸躋

張文瑞

字雲表號六湖蕭山人官
青州府同知著六湖詩稿

金以成傳略曰六湖尊人官永平府知府六湖讀書好
右淹貫經史百家早籍太學屢試不售隨例謁選授官
居職力任弭盜安民之法修政范諸公祠議復小清河
故道反覆數千言大吏偉之生平著述甚富人擬之張
和州云

過嶺灘

十八浮岡十八灘浙江爭似嶺江寒船於怪石叢中過人自
狂瀾倒處看行險敢忘慈母訓浪遊方覺世途難眼前那得
漁家樂細雨斜風一釣竿

後正氣歌

井序

明相國邱公瑜遭甲申之變一門七人後先殉節其

絕命詞有詩書萬卷都無用惟有先賢正氣歌之句
公之元孫署霑化令天民走札徵詩予作後正氣歌
以應

天地有正氣萬古常不滅臣子秉忠孝婦女守貞節在唐有
張許在宋則文墨亦越明季時宜城著芳烈痛惟禍亂作寰
宇遘屠裂海覆無子遺艸薙無萌孽闕獻旣連兵燕山天柱
折國君殉社稷孤臣喋碧血上有白鬚翁何忍便承訣中有
結髮妻千里誓同穴下有女與媳一時遭毒鉞壯哉賢公子
報仇心切切是時孫督師討賊方駐邲蠟丸報襄陽禍從中
道洩公子爲國殤忠魂表三葉嗚呼正氣歌載歌載未闕頭
可斷舌可割凜凜正氣不可奪史書千載名不沒丈夫臨難
寧苟活

夜泊缸尖對月

十里湖燈暎客船，月光如水乍清圓。
偶攜日鑪無雙茗，來試江南第二泉。
所恨片帆尋遠去，更看孤影坐相憐。
鄰舟忽唱吳儂曲，入耳鄉思倍黯然。

惜春詞效溫飛卿

錢塘四月春如縷，鷓鴣力盡啼聲苦。
鴨綠紅絲劈海棠，雀金黃瓣泥梅雨。
笑買湖山蛾黛濃，弱憐風柳腰肢嫵。
正是桃花孕子時，王孫艸色愁南浦。

南食詩

味道愧朶頤，南游徒口腹。肥甘豈不佳，畏生脾胃裏。
肉萬里爲荔枝色，香故所欲龍眼如。智珠諫果亦忠告，檳榔味生澀。
入口苦荼毒，圓顆越王頭。椰子刻漿醞醅醪，楊梅憶故鄉。番樣嘆

殊俗人面浪得名雞頭不足錄我來適長夏橙橘猶未熟花
蛤配鹽鼓珠螺過糜粥苦瓜既清涼甕菜復嫩綠觀蟹懷萇
宏蟹試蟹笑陶穀所恨鱗骨多那得髓髮六老伏伏化化蜜
丁魁別名蛤風鱧椎水族白鱗純昔聞江珧柱意中殊不足往者
畏河豚而今輕海目偶記退之詩南食吾當續詩罷步中庭

明月羅浮麓

何西堰

字杏村蕭山人官鉛山知縣著石帆詩集

送家紫庭兄之任蓬萊

新縮魚符出

帝京遙飛鳧鳥到牟城縣臨海市潮初落星映郎官夜獨明
竇日樓高琴作伴望仙門做鶴隨行相思如有西堂夢爲寄
池塘春草生

前身應是玉清班得宰蓬萊仙境間
三異定書他日最一樽
且醉別時顏放衙夜咏花邊月
拄笏時看海上山聞說此鄉
風俗好絃歌不久遍郊關

病中遣意

旃檀香爇日遲遲小住僧房養病時
靜坐始知閒有味微疴
正與嬾相宜每聞仙梵清心曲
却怕邊塵染鬢絲自笑不堪
如叔夜此生痼疾倩誰醫

初至廣昌作

路出紫荊關孤城沙磧間
年荒邨邑冷市小賈人間合境無
千室登樓有萬山不才愁案牘到此一開顏

早度雁門關有感

夜短天明速勞人早度關
日烘烟際樹雲戀雨餘山老病肩

難息家鄉信未還武安祠畔柳青翠又堪攀

沈

堡

字可山蕭山諸生著漁莊詩

越風漁莊先生少負逸才詩文之外長於倚聲生平尚氣流喜結納居傍湖花月燕游簪裾滿座桐城馬相如陽羨吳介于適越皆主其家水酌山斟勝侶雲集漁莊之舅氏高江郎方居清要招其入京因是有聲日下晚歲歸臥舊廬猶與會覽舉

孫度曰漁莊先生富家子世居東鄉芙蓉灣之漁莊延山陰沈梅史冰盞于家花月燕遊綽有吟味晚歲築菴梅堂聚書玩古嘗製漁莊茗書

墨凡點綴園亭皆出梅史手筆

簇蠶詞

茅簷月出光初明流照薄帷蠶婦驚急起伺蠶恐失候匡牀
那顧啼孩嬰上箔既勻更下箔如聞雨灑庭梧聲三眠一起
功始成淨掃廬舍無蒼蠅束縶爲山閉蠶室過遮不使風穿
楹朝來布席祀馬鳴婦奠酒漿男獻牲三日開房雪燦燦今

歲稱絲應滿籬。軋軋縑車聲正起。催租吏已叩柴荆。

宋之湜

建德人康熙丁酉舉人官中書

幽居雜咏

春老梨花賣酒天。半牕鳥語攬幽眠。筆因硯近毫常秃。書爲魚僮頁不全。檐溜已收畱客雨。奚囊閒貯買山錢。蔬畦藥圃工夫倍。一任東風車馬圓。

不將生計問樵漁。城市山林得自如。小圃春秋花有史。遠天晴雨鳥能書。損枝蛛網隨風破。礙砌筠根帶月鋤。一榻茶煙醒短夢。柴門深閉獨踟蹰。

葉

魯號東巖龍游人康熙庚辰進士

臚傳

未央鐘漏徹丹墀。落落星垂御柳枝。

天仗宵嚴衛士擁

變與曉出佩聲遲五雲色見傳周史三策名高奉漢儀聞道

品題煩

容鑒從容只有近臣知

張

昱

字景岳號樵園初名
暉字繹武仁和監生

汪沆曰樵園工詩畫沒後遭火所
藏殆盡僅從友人處搜得詩數篇

東陳香泉 奕禱

高齋路不遙過訪破清曉早知請沐餘定無惡客擾入門几

硯清捲簾爐篆裊筆墨紛縱橫紙上龍蛇繞飄飄氣凌雲筆

力殊天矯詎止抗杜崔直足隸羅趙吾友汪士查昇姜宸妙

蹟近今少君更突過之日麗中天晷縱有缺門限萬足踏應

倒主人一笑興素練對客掃頤刻盡數番結構愈蒼老謂我

性所耽未嘗計醜好豈若君擅長寫生世所寶投桃思報瓊
先施非草草幸弗笑豚蹄漫懷滿筭禱歡喜捧字歸次第布
畫稿不忍負良朋吮毫增祓澡起看夜色沉斜月挂羅薦

張

玘字次桓號瑤星仁
和人著蓬窗吟藁

汪沆曰瑤星壯遊
幕府卒於粵東

寄長蘇孟噩二舅兄

我聞燕山秋色早七月霜飛榆柳槁風沙塞上動地來須臾
迷沒黃花堡夜聞哀雁攪離思曉聽悲笳增旅抱自古羈情
秋更深塵埃况復頭蓬葆燕市高歌其酒人西風短後同傭
保航憊時將斗酒澆等閒肯向朱門掃丈夫有志終自仰眼
前螻屈奚足惱勸君努力崇令名莫漫憂心怒如擣

秋日登巾峯

氣肅晴光萬嶂開憑高一望北風哀東連海嶽新秋寺西枕
江闕舊戍臺講席猶餘花爛漫丹書不附鶴飛迴獨憐日夕
霜鐘遞塔頂雲澄月正來

朱

權

字仲謀一字可與海鹽監生著可與詩選

錢仁榮曰仲謀於書無所不讀一再過日卽終身不忘
工詩嘗與馬墨跡許充文及其仲兄孟齋族子丕光緒
五子社爲當時所稱其九日登豐山云靜看紅葉無端
落便插黃花未忍歸秦溪晚歸云半珪月影隨波上一
路禽聲認樹歸句亦清雋可喜

聽徐萊龍琴

蕭蕭椽葉苦作聲管山淡碧葛水清白日欲上雲欲生徐子
抱琴至爲鼓一再行陰山夜雪天不明海波盪石石有稜須
臾日暖春鳥鳴仙人飛空衣袂輕梅花落在臨江城我生三
十不稱意然松引火光照地山精莫壓擎人臂立向青天涕

垂酒咄嗟徐子爾亦落魄畱榛菅撫弄十指慘我顏不若兩
人冥心靜對如石頑

張世傑

字泰岩號希白海鹽
詩生著希白詩序

宿瑞塵僧房贈寧已上人

向夜叩禪關鐘聲杳靄間香飄虛閣冷月照定僧閒白社何
須結清言得再攀更深聞妙義塵慮頓教刪

高

衡字南岫號枝山平湖人文恪公士奇
孫歷官福建糧儲道著怡閒小稿

錢仁榮曰先是衡伯父與官翰林時纂修駢字類編未
成而卒衡奉

命總纂書成議叙以七品京官補用此
異數也在闕時署臬篆獄多平反後以疾請假歸

城南對月憶鴛湖舊遊

一片蟾痕小似鈎凝輝朗朗動高秋酒懷開比平時闕詩律
工從險處求玉露玲瓏初有迹銀河清淺不成流鄉心却共

兩浙輜軒錄

卷十六

朱權

張世傑

高衡

三

歸飛雁飛過蓮塘蘆荻洲

丁嗣激

字集虛號雪庵平湖諸生著雪庵詩存

錢仁榮曰嗣激爲大司空清惠公之孫與弟裔沆爲雙丁之目生狀貌言語性情無勿同者稍長同以能詩名一時有

禪隱先生歌

先生骯髒負奇骨辭家學道遊天台築室半山傍危木列石爲座浮蒼苔山風一夜飄然來吹得山頭花盡開偶來花下把鐵笛雲衣瀟灑岸其噴冷冷逸響凌太虛密葉叢條聲淅瀝嗟乎山中詎知秋復春落花掃作巖下塵干松原與人閒斷懶出深山再問人

金

梅

字次調原籍吳江烏程諸生著夢草丙子擊轅等集

棲賢觀梅

斜陽芳草春山暮，疑眸到處迷香霧。此身已在衆香中，杖藜更訪樓賢路。昔賢高躅久沈淪，疑是騎驢放鶴人。千載相思竟誰遇，惟見花窰山嶙峋。巖巖瘦骨依空谷，似抱瓊姿媚幽獨。或向林中水次栽，或從野外籬邊簇。鳥鳴不鳴山更幽，遊踪且自隨麋鹿。

蔡賜國

字封繡號焦麓德清諸生

和黃柎英畱別

清句飛來似雪鴻，慚余蕭索等霜蓬。不隨薄俗輕前輩，尙爾多情念老翁。無計共邀秋夜月，有心還祝石尤風。眼看征棹從流水，颯冷吳江落照中。

毛德琦

字心齋鄞縣恩貢生官星子知縣

青蓮谷

兩折翰耳錄

卷十六

丁嗣徵金海

蔡賜國

毛德琦

十四

匡山有谷號青蓮人到風流山亦傳花豔詩才誇錦繡泉舍
醉態灑雲烟要知勝蹟真堪隱豈必英雄始學仙似我徘徊
松竹下白頭書卷憶當年

陸

逖

字上頁一字松塢鄞縣諸生著小放翁稿

續青舊傳松塢為明經雙木族兄詩名亞之嘗自稱小放翁其詩在击堂靜軒之間

過野眺樓追悼蓉嶼師

蕭鼓葉聲出荻洲畏乘小艇渡中流野人猶賽千年社好景
難禁百歲愁花落釣潭無舊主月移眠榻見空樓嚴城何事
催歸棹恨隔松楸駐遠眸

陸

鑿

字珍侯一字雙水鄞縣歲貢生著雙水集

續青舊傳雙水在南湖秋水社中與族兄鑿並有名稱二陸胡京兆西園社亦以二陸為眉目雙水詩正富而黨操齋一派盛行之口足稱中流之一壑然知之者鮮矣

袁鈞曰陸鑿爲
黃宗義弟子

思歸引

天風向晚鳴轉急打破客窗四面入起看斜月又上弦行逼
歲杪冰霜天君今不歸歸已暮寒雁相呼兩兩去明朝欲問
三江渡江上梅花開幾處

張錫瓏

字堂羅一字韞山鄞縣監生士壘次子著垞上居集

嶺南舊傳太學醇厚和平發爲詩古文詞皆溫潤馴雅萬編修九沙嘗曰壘山少年可謂富而不驕及其老也可謂貧而樂其居家如姜肱其待人如陳寔雅擅爲政竟日不倦然未嘗失言笑蓋梨洲再傳高第能以善人之資成君子之養者也

袁鈞曰張錫瓏
與兄錫璜齊名

西江送秋漁山先歸

不辭泥徑滑欲趁雨聲稀夾岸千帆送橫江一雁歸詩清應

骨瘦綿重覺身肥
目斷愁雲裏寒風動客衣

葛其英

字楡庭山陰人官縣丞

鶴林寺

鶴去空山竟不歸
蕭蕭梵宇占清暉
寄奴霸蹟空餘井
米老荒祠靜掩扉
殿角松陰鋪翠鬣
樓前花老泣紅衣
唐風宋雨飄搖久
只養碑陰古藓肥

朱

華
字光斗號奎園山陰人官安化知縣

晚望

鳥下平蕪遠孤村
暝色連疎鐘
山半寺斜日渡頭船
瀑響巖偏靜
霜寒柏葉堅
郊原無限景觸目盡蕭然

余

清
字受庵號滄浪子山陰人著行餘集

過平樂府

四山蒼翠帶烟蘿飛渡浮橋臥綠波舟過不煩司榷吏客囊
檢點只書多

余正葵

字雪晴山陰貢生
著快雪樓詩鈔

余懋棟快雪樓詩序略曰先生夙負異才潛心經史連
不得志於有司遂東筇出遊輪蹄遍天下迄無一遇退
而杜門著述以明
經終老尤好爲詩

自燕入秦有懷故鄉

燕山白雪樹猶紅此際吟鞭入塞中一劍夜鳴沙草北千巖
晴隔海雲東湖迴吳嶺雙魚斷雁落晴關宿葦空記得少年
輕遠道那堪衰老尙飄蓬

徐祖望

字振孫山陰
人著必園集

幽事

閒庭雖寂寞幽事足歡娛檢草收魚子開簾放燕雛蕉濃窗

影綠苔瘦石痕枯何用長康筆居然在畫圖

施克建

字道敏號虛齋山陰諸生著鳴鶴樓詩草

孫度曰鳴鶴樓詩草二本卷首四六稱八十老入自序詞甚清麗亦文士幕游苦吟者五七字襲紹唐音詞亦雄麗入格書法樸茂蓋老人手抄本存之以慰吟魂

過揚州

維揚何處是歌吹竹西亭廢苑螢應少長堤柳自青夕陽明
驛路春水滿漁汀欲問繁華事風帆未遣停

客滕陽

客意久岑寂橫經更此留荒雞霜月曉涼雨艸堂秋未著三
都賦空瞻百尺樓酒殘雙耳熱舞蔗當吳鉤

王

本

字恭隱號古草山陰監生元體孫著在松堂詩集

越風古草爲載溪先主文孫克繩祖武詩有淵源居遠青樓晚歲自營生曠植梅花名梅花家自王官谷之

風子安民號念齋游歷四方頗擅風雅孫遜字道九弱
歲爲詩嶄然頭角接謗傳葩於今五葉士林豔稱之

丹井

梅子真曾
游息於此

佛頭濃共曉山青讀盡黃庭一卷經洗藥水常含蜃氣烹茶
烟亦帶龍腥喧聞地籟潮生浦亂落天花雨散汀不識先生
何處去他年相遇話浮萍

杜應譽

字寄樵山陰諸生
著樵餘艸放言集

村居和笠山韻

喬木千霄上新篁拂露高山畚收宿麥老圃薦含桃逐婦啜
鳩拙將雛憫燕勞清和風日好策杖入東臯

吳

山字東山
會稽人

越風東山丰姿瀟灑喜吟詠幕游吳楚間韓
青琳見其夜泊一絕愛之爲畫春江夜泊圖

同恪齋侯宗夏陟三柱笏堂守歲用杜韻

同折曾耳象

卷十六

施京廷 王木 杜應譽 吳山

三

章門何處家把酒問梅花歸夢尋飛蝶投林感暮鴉畫堂嫌
景短絳蠟受風斜明歲韶光好吾生定有涯

王袞錫

字補臣會稽諸生

越風前朝鄉衮以置田營墅分雅俗王季重先生別業
在東城觀舊橋內有綠風館十三樓諸勝嘗見其楹帖
一聯云天上圖書分壁府雲中雞犬列仙家百餘年來
僅存故址補臣先生爲其孫長於詞詩亦宗仰前賢態
度行徐風華掩映不愧關
關名士以其少而益珍之

杜鵑行

江風蕭蕭白波起杜鵑催歸喚不止前聲啼來細雨中後聲
迸落寒烟裏汝家何在東西川欲歸不歸今幾年蠶叢魚鳧
荒蜀國蛇盤鳥道連秦天極望迢迢數千里蒼梧雲深竹花
紫清淚春流巫峽波羈魂夜度巴江水聞汝曾無向北飛南
枝花發長相依一朝零落去江浦苦竹黃蘆生事微傷心歲

歲無家別縱喚催歸何處歸

平遠臺

何王遺構有高臺縹緲凌虛亦壯哉
雙塔影連星漢動三江聲接海潮來
蒼茫故國雲中樹滅沒荒碑雨後苔
幾欲磨崖題勝事遠巡愧少勒銘才

成達可

字而可會稽諸生著彭越詩妙

嚴子陵釣臺

幸際中興日安居七里灘
帝容高士臥天作客星看縱拜三公
何如一釣竿富春江上水長映少微寒

余懋檣

字荆帆諸暨人籍孫著楓溪詩集

紹興府志懋檣爲余稱諸孫少負逸才尤好爲詩遊跡半天下晚歲僑寓津門卒於旅邸詩凡數集統名楓溪

桐容城縣

驅車歲晚宿容城員外祠前日欲平從此併傳嚴宰相也勝
伴食久無名

何嗣錢

字永年諸
暨歲貢生

胎安堂落成詩以誌事

小築初成事事幽此生隨分得優游門無車馬喧先靜厓有
松篁夏亦秋半榻殘書閒處看一瓢卮酒醉時休從茲吾愛
吾廬在不羨元龍百尺樓

盧元璧

字璧人東陽人
著萬春園遺草

金華詩錄璧人清而介不屑與俗子伍博覽故藉手披
口吟未嘗少輟興到輒吟隨時散佚其子衍仁收拾遺
殘得若干首

萬春園遺草

平陽廣文徐軒霞先生招飲

高館森喬木春闈翠滿林山雲無定態巢燕有閒心才老吟

詩健情多愛客深憐余行止獨一月兩招尋

包懋提

字卓齋東陽諸生

斃虎歌

庚午邑有虎食人踞馬鞍山洞老樵計以槁塞洞火
之虎隨斃余爲作歌

昔人多作猛虎行我今試爲斃虎歌西明之山馬鞍洞詰屈
萬仞峯峩峩於焉虎營兔三窟掠食山旁枕山骨布爪爲戟
尾爲旗馮婦其如負嵎立無端阿奴用火攻煙氣蔽窟吞松
風鋸牙筋鬣墮威焰倏鬼投地環山空呼吸不容延一息老
樵吐口皆烈血山家購之皮五丈赫奕星晴尙旁射居人具
酒醉老樵從此日得山逍遙

陳世揚

字升聞一字月齋東陽諸生著松麓草堂山集

燈花

銀燭分光閣夜筵
玉蟲金粟鎮生憐
我曹正要嚴非分
不用燈花報得錢

樓承順

字光大浦江恩貢生官寧海教諭著默齋集

浦江縣志孝友傳樓承順善事親親亡感慕自題永慕廬遠近賦詩以紀其事邑宰邢敬霖之誦正元年臚列其行以應方正之舉辭不就

羊石懷古

玉壺寄遐覽往古已寥廓
洞府境絕人間見
頗隱約曠懷皇初平
胡爲亦寂若干年
往復迴不若遼東鶴
滄海出塵寰
山花幾開落
羊石仍稜稜
叱之悉驚愕
神仙愛遊戲
令我然疑作
山頭不見羊
丹霞滿仙壑

張德固

字單厚一字雲賦浦江歲貢生

樓叔夏曰露蟻父一光任寧都令有惠政歸杜門課子
露蟻好讀書日已暇猶手一卷向天光至不能辨一字
乃已晚乃掌教月泉書院積束脩
爲葺書院費詩政進人重仰之

春日邨居卽事

誰能農事不關情
鷓鴣朝促勸耕連
夜可容寒食雨
卜年已慶立春晴
菜花十里圖黃甲
柳葉千家繡碧城
風景此間原自好
薺瓜又喚搭松棚

無多茅屋拓三間
農月柴扉靳不關
詞客例能耕白水
僧家不用買青山
半溪殘竹釣魚去
一徑落花招鶴還
長日爲添兒戲事
水邊鬪草可消閒

周應枚

字醇儒遂昌諸生
著雪邨偶存詩稿

卜居

築隱何須定樂郊
且仍舊址結新巢
春來葑屋梅爭放
風到

衡門竹亂敲課子頗能分稼穡治園儘可具蔬肴疎慵未與
王公薦容得遲遲臥草茅

李四維

字秉之嘉興人三才弟著樹齋遺詩

梅里詩輯秉之爲上舍知敬子綺歲美才詩饒風韻埋玉樹著土中使人情何能已

蟋蟀

山郭江村雨後涼西風吹遍豆花香疎籬草徑行人少蟋蟀

吟時正夕陽

趙殿最

字奏功號鐵巖仁和人康熙癸未進士由翰林官至工部尚書

從子誠夫以詩見贈次韻答謝

閒居瀟灑樂春溫菜圃茶亭認近村歲月且貪花裏過兒童
不厭市中喧看書反復難求解問字推敲未掩門取次將成
終老計草堂已掃舊巢痕

胡

渭

字胤明號東樵德清廩監生著禹貢維指東樵遺詩

話胡東樵先生于康熙四十四年

車駕南巡還

駐吳郡時進所著禹貢維指二十卷蒙

御製詩扇

御書青年篤學四字扁額之

賜稽古之榮罕有倫比其書久已刊行又著易圖明辨大學

翼真洪範正論等書皆採入四庫全書而遺詩從未之

見今從其後人錄得十餘首先生研經績學爲後學津

梁詩亦嘗鼎之一鱗也

貽陳畱尹陳明府

昔日吾鄉沈麟士閉門教授見齊史口誦詩書手織簾故宅
吳羌山下是今我不學慙昔賢到處抗顏說經旨聲希太古
琴無弦忽遇知音論宮徵先生自是謫仙人素衣不染京洛
塵簿書倥偬作詩賦去年識面今逾親談辨如雲揮玉麈怪
爾文章蚤入神陳畱風俗尙如古使君努力爲良循相去吳

松咫尺水他年抱楫問漁津

已過重陽有以菊花見貽者

共有東籬興陶詩空自吟九秋驚物換華髮待花簪對此意
俱淡賦余情亦深仁風良可愛冒雨更重尋

舟行城東

浮花浪蕊合萍踪書畫盈船一水東天上坐來凌倒影鏡中
行處信春風杯傾社酒分溪淥紙擘巴牋染翰紅自是石湖
詩興好應羞章句老雕蟲

章藻功

字豈績錢唐人康熙癸未進士官庶吉士著思綺堂詩集

陳晉明思綺堂集序畧曰章子豈績爲家兒女聲猶乘尊嚴洪上先生之家學數年有作典而切語逸而工情文相宣大

見工力

楊雍建序畧曰豈績爲余及門客夏子卜居橫河畔未幾豈績亦遷斯地既而豈績以思綺堂文集示子其貫

穿經史牢籠百態往往擲地作金石聲因賦絕句贈之
近又出其所爲詩若干首長歌短什繫繫乎得風雅之
指歸豈績克紹家學且非獨文章之士也其事親也孝
共事兄也恭其與人也誠卽其登臨諸厥流連徘徊情
况乎詞天下有至性過人而文采罔所表見者乎今
豈績年方壯學日富不朽盛事將必有傳之無窮者
寄呈杭州郡守馬見五先生

關前紫氣謁先生
卓蓋朱轡又此行
重許攀嵇懷一刺卽同
借寇出雙旌
幕依紗帳芙蓉好
門近金湖桃李榮
聞道使君
夾鹿至銜鱸誰最喜
鸞鳴

同家兄服伯仁艷燈市作

十戶中人產花燈
一夕看明星飛火
遠朗月出光難錦
幔藏

龍艦刻木爲龍舟張燈
數百杭俗最盛
紅裙據馬鞍
母然啼暗壁
攜手步跚

跚

兄弟相將好
年年出處齊
適觀隨遠近
信步可東西
爆竹兼

風過燈花著樹低，喧聞歌吹客莫必問飢啼。

從吳友索得大兄遺筆以詩題畫併柬謝之。

秋聲可但寫秋容，雁影橫空毛羽豐。不道平沙真調絕，只今

異路歎途窮。臨池春草詩都廢，破壁寒松畫最工。

兄館于吳
醉後畫松

壁上真有百尺龍鱗之勢珍重阿兄遺筆在，延陵一諾死生同。

壬戌移館皋園

假館謀生拙，因人作計難。可曾易斗米，各自授盤餐。懸榻當

窗下，張燈把卷殘。奔波莫漫笑，風景好同看。

可是嚴陵瀨，謂定還分陳仲居。謂叔西賓無割席，作客亦同

車。罷釣溪魚喜，攜鋤徑草除。我來翻寂寞，欲寄主人書。

癸亥中秋方伯石琅公先生攜樽試闌同人讌集

時禁
修通

志

雅勝蘭亭集來從棘院遊羣賢亦上巳令節况中秋德本維
桑聚聲同伐木求三江分派出一水合東流冠蓋虛前席文
章位上頭校書選天祿列數比瀛洲同事者吳越年來盛興十八人
圖望裏收史宜司馬作乘在董狐搜媿我叨簪筆逢人誦贊
旒無能辨亥豕有暇泛金牛賓主陪來往樽鼎學勸酬下蔡
王子座高對庾公樓四合嵐光近三秋爽氣浮政行觴羽促
晚待燭花抽蟋蟀窺人響蟾蜍伴客留一篇酬韻尾百慮淨
歌喉此地名方重斯文命不猶劍懸非必按珠出試先投獻
楚疑完璞歸秦剩敝裘敢云操翰墨肯便臥林邱談笑公餘
退從容興自幽詩成遲月落金谷醉千甌

閏三月晦日遣懷

時寓吳山倪莊

得返家鄉但浹旬曾從千里走黃塵也知避俗須高隱不信

同濟車車金
辭家可救貧，難得半生閒。散日幸留一刻，閨餘春憑闌極目。
今何處，柳色參差，却解人。

坐靈隱澗西紅葉甚盛東邀楊以哉先生

春花有葉分疎密，秋葉無花一色紅。爲報藍輿須早晚，但宜
霜後不宜風。

晚登韜光二首

纔上韜光絕頂幽，江湖海日望中收。烟雲僧寺欹雙壁，城市
人家傍一邱。曲徑清泉新雨活，滿山紅葉夕陽開。依稀認得
三生石，四十年前或舊游。

十遍曾過靈隱寺，飛來峰下儘徘徊。倦於足力擎舟返，難得

頭陀挈榼來。

端木僧載酒以從

俯看層雲飛遠岫，醉披薄霧滑蒼苔。

山僧莫問相知否，小坐隣房五日纔。

晚游西湖

雲漏晴光一縷斜，紛紛歸逐七香車。山中影散樵薪客，隄外
帘收賣酒家。乍卷村烟橫遠岫，暗移燈火照平沙。可容爛醉
湖頭宿，夢醒三更玩月華。

沈楷世

字磨仲一號巖岩歸安人
三曾子康熙乙酉舉人

池上納涼

殘暑經秋薄，臨流意灑然。衆山初落日，高樹尚鳴蟬。苔滿無
人處，荷開曲水邊。坐深衣有露，吟向北窗眠。

沈柱臣

字殿肇號副廬歸安人嗣子康
熙甲午舉人廣東試用知縣

春夜寄友

獨坐清宵迺孤吟，有所思已多。虛夜月況復及花時，書去想
春雁愁來怨子規。故人千里外，誰與寄新詩。

邵

基

字學址鄆人康熙庚子解元辛丑進士由編修累官江蘇巡撫吏部侍郎

袁鈞曰邵基由編修歷御史給事中侍直

上書房遷鴻臚少卿通政參議國子祭酒副都御史出入

禁廷小心謹畏密有獄替雖妻子不知也於閣部大臣舍

公事相見外未嘗有私謁擢吏部右侍郎乾隆初出爲

江蘇巡撫正身帥屬苞苴不入其門行部過無錫有司

進惠山泉曰是卽飲貪泉之漸也却不受吳俗法侈疏

請禁優伶之宜淫者世皆迂之未幾與河督議開毛城

舖不合意并與江督左嘗劾蘇州守白晳已下吏河督

復請釋而用之意稍不自得旋得疾卒基清節自厲妻

不衣帛旁無姬侍客至魚菽蕭然家惟老屋數椽而已

遺奏至京

忍子祭葬使者至門隘巷不容肩輿則步以入矮屋不庭以

設廣筵則畢事於簾窗

之下使者爲太息而去

都門贈繹堂和尚用唐人韻

夙仰吾師法戒空來從南海關宗風袞袞新

賜九重上定慧先超六合中鸞嶺慈雲團座碧扶桑曉日射

波紅宰官到此皈依切何必乘槎謁大雄

鄭

鼇字滄岳遂昌廩生

陳世修曰滄岳慷慨好施厚於宗祀睦姻之誼足維頽俗

登唐山

結宇疑無著來尋物外遊
磴危人跡少樹密梵聲幽
淨沼魚鱗化蒼烟鶴半留
詩情誰共領僧老亦名休

唐山爲唐高僧貫休所居

華萃德

字東升遂昌人啓謙弟

再過唐山

十里峯迴隔俗氛松杉結翠路難分
避人飛鳥穿斜照罷課閒僧看落雲
古葉重尋懷素筆殘碑曾讀貫休文
此中風景還相憶屐破蒼苔認舊紋

朱休聞

初名休成字建勳號雪圃秀水人著桐影軒小稿

舟行口號

兩浙輶軒錄

卷十六

初 趙 芝 夢 龍 再 宰 德 才 付 湖

五

春風催泛棹遊興肯消停
草色碧逾水桃花紅滿汀
危橋人跡少孤塔野煙暝
好是江村暮啼鵲到處聽

柴梓庭

字上林 鄞縣諸生 著鄞草

續舊傳漁山古文犀利似秦淮海詩近放翁然自恃其才所師惟寒村友惟宗猷已而皆卒無復簇礪之者漸頹唐於詩酒以終殊未見其止也
集曰鄞存蓋以志寒村知己之感
袁鈞曰柴梓庭少負才跌傷不甚從事於學其友陳士良責之曰以君之才乃自棄爲始猛省講求六經旁治史漢及唐宋諸家下筆萬言慈谿鄉
梁見其所作嘆爲奇才由是名大起

秋雨歎和杜少陵韻

今年夏月憂亢旱早禾顏色無新鮮
家家早收不盈半眼見
斗粟過百錢沈沈八月秋雨急
晚禾腰折不肯立蒼茫一望
成江河忍見田父用問泣

吾生於世何足數關心只合守環堵
薄田數頃半湮沒茅屋

幾椽壞風雨草棉不收冬衣寒一家妻兒飽煖難濕窗鈴草
不成寐願天急掃西風乾

陳天錫

字公純遂昌諸生

陳世修曰公純不喜交遊然遇良朋
緩急未嘗膜外視詩亦淡遠如其人

江心寺

一片甌江淨中流古寺閒樓臺浮地出鐘梵送潮還擊檝哀
丞相援軍駐此間竭來重憑弔塵劫付禪關

江

濟字道之黃巖人康熙乙未進士官翰林庶吉士

陳焯曰江道之家貧力學老而益壯及登進士
入翰林已六十餘矣未散館而卒遺詩多散佚

弔家烈婦

烈婦之夫緣事公庭有官役戴德偏之遂自裁

手挾霜鎌見義真鷓鴣威偏妬可憐春血流黃土應成碧潔比
冰壺不染塵生死一時無轉念是非千載任斯人東江夜半

悲風起冷月滄波泣鬼神

徐文駒

字子文一字吹菴鄞人康熙己丑進士官懷仁知縣著師經堂集

續者舊傳耿菴少有才氣銳意爲詩古文詞詩有可采因節取之

次烏蒙有感

一片寒山鎖暮煙亦無衰柳亦無蟬瘴雲和雨濃如墨凍雪翻風白似絲萬里迢迢迴去雁五溪跼跼飛鷺可憐殊土蠻荒地當日曾流李謫仙

壽致澗

字兩六號南湖諸經人康熙丙戌進士官翰林院編修

諸暨縣志致澗天分絕人康熙癸酉舉鄉試第一出山東顏光毅之門在館時應接甚繁酬答如飛

觀潮

大江汙靈海潮勢何崢嶸羣嶼插霄漢翻然倒影傾萬馬自搏觸天鼓忽碎鳴乾坤兩摩盪日月慘不明昏沙捲地軸金

鐵相戰爭伍胥與文種俗說多紛更我感逝波意臨流結遐情

毛遠宗

字姬潛蕭山人康熙丙戌進士官內閣中書

孫度

曰中翰爲西河先生嗣子西河合集多其纂錄著述頗富詩詞不墮家學

頌邑侯德政詩

江國分符早荒城保障優十年良邑宰百里舊諸侯明月龜
山署清風元度樓開衙花滿架行縣雨隨軻廡冷餘齋馬刀
藏善解牛均田需審甲減役且藏郵右學欣承徂延賓潔庶
羞閒披吳靖卷貧著晏嬰裘石捷西江堰塘平湘水流訟庭
無曲訐夜戶鮮行偷暴息桓東晚軍安牧地秋掄才徵栝檜
造士辨薪樞覲首碑將豎棠間舍未收四賢逾頰上三異表
中牟鄰邑留韓纂鄉人挽邵攸微言無補綴聊以代清謳

周

奕字起翁號東園海寧人康熙辛卯舉人

海寧州志奕幼孤事母朱篤孝性端方通經術居京師公卿欲羅致之不可得士論賢之

次韻陳秉之書懷

詎得身如野鶴閒強如踪跡寄長安功名雞肋徒爲戀世路
辛腸未是難老眼不知花態媚愁懷都付酒杯寬凌風獨立
君知否直節蕭蕭竹幾竿

章廷宏

字玉虹號斐山歸安副貢生官仙居訓導著怡顏詩鈔

遊紫陽洞登大觀臺

筇屐穿雲到巖扉倚樹開仙蹤猶可見勝地約重來採藥披
蘿徑尋詩掃石苔好拚筋力健百級上層臺

陳

景字廣升蕭山諸生著楚遊記遊閩遊諸草

孫度口陳廣升晚吟好遊歷閩越湖湘間各有詩集落落寡合以諸生終

田家

茆屋兩三家藤牆夾槿花當門皆菽粟隔水盡桑麻有婦能
工織生兒學種瓜陶陶醉村酒羨爾樂生涯

柴

謙

字南屏仁和人哲子考授中書廉熙丙申
欽賜進士官福建道御史著微曙齋集

陳兆齋微曙齋集序曰南屏先生自臺諫歷京卿風節
侃侃不僅以詞賦侍從稱所爲詩天真純任歷事荆冢
其遇合之始爲古今尤盛
以見文章之有神如此

題哀忠節畧

錢塘趙氏高則原先生配也先生令永寧遭元挺之
亂被執不屈誓死投崖其事無人表彰趙氏乃作哀
忠節畧余讀而嘉之題詩卷後俾作史者有所考焉

趙名承畧

大塊噫頽氣有時發雷霆丈夫抱奇節金石揚華英人生不

兩浙軒軒錄

卷十六

周炎章廷宏陳景裴遜柴謙

三

遇九死一生地曷能表暴摩霄撼日之精誠吾黨有高子少
負能文名丙子登賢書策仕鵷鵬城撫字勞九載境內稱廉
明胡乃鄰吏多貪墨奸徒走險勢驅逼豕突狼奔劫長官巡
防猝爲賊所得先生奮義不顧身髮指背裂血染府潢池鼠
輩頓摘摘志拚玉碎投嶙峋斯時岌岌譚九邑誰令士庶登
陣集閭中命婦識兵機脫簪授甲立指揮賊破城完公復活
其傳奇績出閭闔功成不欲受上賞忠義自足垂青壤余也
忝爲柱下臣大書特書當不爽嗟乎絕命之詞何錚錚彷彿
平原罵賊聲

送興庶姪赴湯陰

千里非殊域離情若不勝秋風過鉅鹿古碣訪韓陵鞭影搖
晨月礎聲動夜燈他時知念我細繕剡溪藤

過仙霞嶺

天半高霞萬仞梯，振衣還與白雲齊。
連山波浪南龍壯，匝地星辰北斗低。
戰骨燐燐埋碧草，春流泚泚赴清溪。
怪渠一嶺分炎冷，二月花繁鶯亂啼。

七夕風雨

鵲駕長橋鳳駕軻，雙星歲歲一相過。
要知天上銀河淺，不比人間風浪多。
瑤島諸僊鳴玉佩，雪山遠使挾金戈。
客心更覺無聊賴，強對秋燈發浩歌。

柴載庸

字汝發，號哇叟，仁和人，謙子。
康熙乙酉舉人，官永寧知縣。

燕城除夕有作

征塵歲晚息征途，可有椒觴待客無。
驛路又舒新柳色，邨居也換舊桃符。
三更短夢同駒隙，一夕長檠共酒壚。
迴憶白雲

兩浙輶軒錄

卷十六

柴載庸

三

親舍近舍情應向膝前呼

揚

瑄

字自崑號栗齋秀水貢生分纂圖書集成

揚樹木迷畧曰先大父治柏鄉案無畱贖蝗不入境同

固一室又每應求得雨識者稱爲政成三異比之中牟

萃云將去任士民扳轅不得乃

驅蝗

歲在戊午七月秋寧隆邑中蝗滿疇捕之不勝幾束手蔽野
頃刻殘來牟上官馳檄急如火下令未雨須綢繆縣中老翁
心戰慄壯夫鬱鬱眉鎖愁上下促迫心事惡此事畢竟誰能
籌昔聞湖州有鱷魚盤踞害民無時休昌黎一言肝膽裂三
日東徙隨波流又讀漢史循吏傳勞心撫字推龔侯名邦獨
仗使君力飛蝗不敢來神州可知民牧患不誠一誠自足邀
神庥古來捕蝗雖有法人謀安得回天謀我推物理洵不妄

臨事要在探源頭寄語諸君莫煩惱天事人事期交修天人
於我兩無憾蝗兮蝗兮何足憂

洵陽城晚眺

秋色晚來好登高不厭看亂雲天外捲歸雁口邊寒一水孤
城遶千峯落照殘故鄉何處是惆悵子陵灘

再登洵陽城

百雉雄三輔蒼茫一望間空將遊子意頻對夕陽開水淺白
鷗渚秋深黃葉山斷雲千里接何處語兒灣

新秋卽事和高可園先生

擬築茅檐傍水邊河魚隨釣不須錢庭栽蘭蕙香爲友書借
芭蕉葉作箋幾點閒鷗飛白露一聲孤鶴破寒煙無窮逸興
今何似頻對秋雲意渺然

金

埴字小郊山陰諸

朱文藻曰小郊先生所著書俱以帶名詩曰詩帶賦曰賦帶文曰文帶駢體曰駢帶尺牘曰札帶瑣筆曰便帶又采輯古語可爲聯者曰詞配帶晚自號帶秋老人客有問之荅云淺近之言視而不下故以帶名之甚矣先生之好怪也

仿古歌辭

兩錢之錐堪直履百錢之狸堪捕鼠干將麒麟安用汝

哀東獄有叙

地嘗過山東州縣稔聞獄卒率以牘版拘囚人于夜

終夕不令轉側罪之輕重弗論也因作哀東獄篇

哀東獄獄卒狼纒囚一入成糞粉東獄法版爲牘夜夜牘人儼羅刹爾罪輕爾罪重總加牘版儼難動獄卒怒囚酸齷上天下地兩局促始信人間有地獄古人拘罪爲犴牢但嚴守

視園牆高獄卒夜臥圖逍遙動輒藉口防通逃嗚呼獄卒藉口防通逃不聞獄中夜半聲嗷嗷

夫別妻

有叙

康熙四十八年吾越米價騰躍每石直二金民多飢者有鄉婦入城傭乳與其夫絮語泣別子過而哀之因寫入樂府云

夫別妻夫自往東妾往西妾身往哺富家兒家中有兒慎勿答答我兒剗我肉剗盡乳不足新麥多收兩三斛明年蚤望將身贖

與洪昉思

昇

探梅孤山

結伴來探雪後春逋仙亭畔幾逡巡歲寒不爽孤山約祇有梅花是故人

花朝過畫眉橋作

紅油艇子蕩花朝，煙柳風吹萬萬條。
試醉一杯京兆酒，斷腸春色畫眉橋。

郟城與徐公濯 允楨 話舊

去日童蒙貌已更，依然人識此邦生。
最憐廿五年來到，重喚

郟哥舊小名。先君子宰郟生埴因名阿郟今閭二

鄭韻字蘆村餘姚人典子康熙乙酉

顧嗣立偶存詩稿序畧曰鄭蘆卽尊人友陶先生前仲
兩兄皆揚乾風惟詩文之盛萃於一門蘆卽髫年爲諸
生時卽卓卓有令譽後賦性恬淡杜門嘯歌生平所
著等身不自愛惜稿成輒棄去以故所存無幾也

舟中對月歌

泊船明月船頭來，開船船尾月入懷。
船頭船尾滿清影，明月中宵伴吾寢。
不知身臥青蒲上，惟覺閭門談蕩蕩。
蝦蟇忽散

萬山金夢魂竟作層霄想銀漢斜斜烏鵲飛桂花香霧濕
雲衣月姊電裳閩縹緲湘妃羅襪見依稀雁聲驚起蕭蕭荻一
曲桓伊江上笛輕帆好趁月明來棹入秋城鼓初寂

次韻喜陳滄洲奉

詔到館

宦囊盛得好詩篇書畫船中一米顛豈願政聲聞紫闕只畱
心跡對蒼天斯民有待爲良相吾道猶存賴大賢直節清風
終不改欲談舊事已茫然

送友歸醉里

尋來貧病總難支斗酒聽鶯竟失期客久并無歸去夢離多
怕寫送行詩一鞭料作三年別百感添將兩鬢絲君到鴛湖
親友問道子惟有嬾相宜

詹

泰

分木人康熙
丁酉舉人

西湖

憶隔西湖經幾秋天涯夢繞水雲幽南屏暮雨鐘初動北苑晴雲鷗共浮傍午垂鞭花外見迎風小艇鏡中留雄談快飲頻添韻其沐和風試冶遊

詹

嶽

分木廩生

春日山館有懷

九十春光半雨晴客居差喜一身輕工因居肆方成事農未逢年豈輟耕無伴談心延落月幾回傾耳聽遷鶯聞歌刺欲依聲和不盡于喁爾我情

詹

衡

分木廩生

飲酒

肝腸如雪鬢如絲沽得村醪醉莫辭獨夜推蓬看江月光

山色總催詩

湯學顯

字孔茹號宜齋仁和貢生
右曾子著菴柳葉居集

葡萄瑪瑙壺歌

按松陵志壺爲沈萬三故物瑪瑙質通明類水晶上
有葡萄天成如墨點中注酒光彩滿室後坐藍黨籍
沒壺亦不知所在天順間邑人李銘夜見市中溝渠
有光私發獲之卒爲張監所得余作歌以紀之

明初逐鹿羣雄走珍器遷流不遑守素侯爭貸勝爭王富甲
寰中稱枕秀周莊小市東吳東樓臺簾幕羅春風華筵夜起
珊瑚餞舉卮細滴真珠紅忽漫呼童發繡綵座客驚訝意何
在主人一笑寶艷生玉注金提少光彩由來野鬼丹邱血巧
斲樽壺泣冰雪天然馬乳絡芳痕似向雲藍灑烏玦洛姬倚

出籠珠帳羅衣繡入新花樣大宛香醅暖更濃色味中邊相
醜醜猗歟此器神工全造化詎許多雷運酒冷花寒罷歌舞
霜螭攫取飛雲烟天風飄墮埋香土回頭熱粉紫琅苦月漉
西沉隱璇宇蛟虹騰氣溝渠吐

耘松亭立秋夜

一葉落何處冥茫烟色沉花期相與冷秋事始於今此夕爲
吾有殘燈見客心檐前風裊鐸也似作商音

謹校先大夫懷清堂詩集付梓二首

何物青氈稱舊貲籠中手澤獨攜持名山粉本猶無恙喬木
家聲只在茲過眼春風飛蝶早關心秋月放花遲前聞一一
編如次都是人間未見詩

拂拭芸香辨魯魚恍如承訓過庭除張均枉解吟家集趙括

何能讀父書待布國門光自遠更求遺篋緒猶餘

先大夫自著有懷清

堂文集纂輯有南史集文獻通考俱未行世

無由私慰青箱志惆悵秋風上葛絳

姚之駟

字曾思錢唐人康熙辛丑進士改庶吉士遷御史

家傳畧曰康熙丁亥春

翠華南幸侍御為諸生著類林新咏進呈蒙畱乙覽梓以

行世

山行

攜酒入山深愛山還似酒更愁山怪我舉杯看山久木落瘦
逾佳峯奇狀不醜愧無濟勝具永日芒鞋走便思貯布囊案
頭作良友

兩浙輶軒錄卷十六

姚之駟

四